

2 Tesaloniki Sheen

Tudunmɔɔ Pɔli ya sɛmɛ shuun wo wemu tun Tesaloniki sheen mu ge

Jɔɔ yɛ mu we sɛmɛ we d'a tun wɛ?

Tudunmɔɔ Pɔli w'a we sɛmɛ shuun wo we ka na tun Tesaloniki egilizi wu mu. Korɛnte kulo li ni Pɔli di bye na pii sɛmɛ shuun we ka (Kapyegee 18:5).

We sɛmɛ we kakana juɔɔ

We sɛmɛ we kakana juɔɔ nigbɔhɔ ki jɛ na Kafɔɔ wo pana shuun wuu li jomɔ pu jo taha. Wu bi fɛnhɛ lee jomɔ jo wu sɛmɛ nizhiime wu ni. Waha wa wu bye wu pana shuun wuu li keree ki ni. Pii bi yu na xɔ bɛ na Kirisa ya pa na xɔ. Ga Pɔli ya yi jaha jo pu mu wu sɛmɛ wu ni na Kirisa wo Pɛn wu wu da venhɛ ba jaha na. Na kanhama nigbɔ pu da ba fɛnhɛ bye, na ga Kiriceen p'a yaa na yatenyɛ waha, na lowaa ta pee kanhama pu ni.

Sɛmɛ wu kafila jugbɔyɔ

2 Tesaloniki Sheen 1 Pɔli ya lowaa leni Tesaloniki n'a daa fɛɛ pu ni. Yesu na ba ba wu ba kiiri wu kɔn kɔngana lemu na ge, a w'i yee bɛ jaha jo pu mu.

2 Tesaloniki Sheen 2:1-12 Jaha sheshɛɛɛ temu na ba bye yani Kafɔɔ wu pa ge.

2 Tesaloniki Sheen 2:13—3:15 Pɔli ya Kile jɛɛri Tesaloniki sheen pu mu, na jo na pu bɛ p'a Kile jɛɛri wee mu. A w'i lowaa le pu ni na p'a kapyɛɛɛ pyi, na pu ganha bu da bye saa fɛɛ wɛ.

2 Tesaloniki Sheen 3:16-18 Pɔli duba ni wu fɔ mujuu.

Pɔli ni wu kapyɛbyɛnii fɔ mujuu

1 ¹Nɛ Pɔli, ni Siliven, ni Timote, wɛɛ p'a we sɛmɛ we ka. Wù To Kile, ni wù Kafɔɔ Yesu Kirisa wo n'a daa fɛɛ piimu pu wa Tesaloniki kulo li ni ge, pee mu wɛɛ ya wu tun.

Wɛɛ ya yi shaari: ²Wù To Kile ni wù Kafɔɔ Yesu Kirisa wu niime ni japijɛ kan yi mu.

Kiiri wemu na ba gɔn Yesu cabaɗa ge

³Na cebooloo, wɛɛ ya yaa wɛɛ p'a fɔ kaan Kile mu tuun bɛɛri ni yee wuu na. Lee ya yaa mu bɛ, bani la l'a faraa yee wo n'a daa wu na na se

ɲaha na. Taanɲeeɛge kemu be ki wa yee ni yiye te ni ge, la di faraa kee be na na se ɲaha na. ⁴Lee wuu na wèe be ma ɲuyirige taa wèe ba yee kaa yu tuun wemu ni Kile wo n'a daa fee pu mu. Yee ya yiye pɔ ɲɔgana lemu na, na gori yaha n'a daa wu ni, na kawagaa ni kanhama pemu beeri xu yiye ni ge, wèe ma yee beeri jo pu mu.

⁵Ga na cebooloo, kii beeri wa li shee na Kile na ba kiiri kɔn caɲa ka ni tiime ni. Kanhama tuugo beeri y'a ɲaa ge, pee beeri wa yee gbegele na yeri Kile wo saanra|Kile saanra te ɲaha na, bani tee saanra ti wuu na yi wa kanhama pu ni. ⁶Kile ya tii, piimu p'a yee kana ge, wu na ba yee wo kanhama pu foo tɔ pee mu. ⁷Ga yee piimu pu wa kanhama pu ni ge, Kile na ba ɲmɔɔ kan yee mu, na li kan wèe be mu. Kafɔɔ Yesu na ba ba na yiri fugba we ni ni wu fanha melekɛe pu ni caɲa kemu ge, kee caɲa lee da ba bye. ⁸Wu na ba ba ɲaɲiɛ ni. Piimu pu ɲe pu ya Kile ce-ε ge, ni piimu pu ɲe pu ya sɔɔ wù Kafɔɔ Yesu be wo Jozaama pu na-ε ge, wu na ba kanhama shan pee ɲuɲɔ ni. ⁹Na wemu wu ɲe wu da ga xhɔ-ε ge, wee na ba bye pii sipyii pii wo taa. Pu na ba pu kɔri na pu sanha lii Kafɔɔ na, p'i wa da ɲii taha be wu sefeere nɔɔɔ wuuro ti na we. ¹⁰Ayiwa, kee caɲa ki kunni Kafɔɔ na ba ba. Fefeere sipyii piimu beeri p'a dà wu na ge, pee beeri na ba baraga taha wu na. Pee beeri na ba wu ɲa, na fundanga pye. Yee be na ba bye pee sipyii pu ni, bani wèe ya jomɔ pemu wo yere pye yee mu ge, yee ya dà pu na.

¹¹Lee wuu na wèe wa Kile ɲeeri yee mu tuun beeri ni. Wèe wa li shaa Kile mu jo w'a yi yiri na yi yaha koo lemu ni ge, wu yi pye y'i da ɲaari y'a sahaɲi ni lee ni. Wèe wa li shaa Kile mu jo kasaanɲaa kiimu k'a diri yi funyɔ ni ge, jo wu yi yaha y'i já y'a kee pyi wu sefeere ti ni, wu yi wo n'a daa wu wo kapyeɲee ki beeri ɲɔ fa. ¹²Lee bu bye, Kafɔɔ Yesu mege ki na ba pɛɲɛ ta yee mu, yee be na ba pɛɲɛ ta wu mu. Wèe wo Kile we, ni Kafɔɔ Yesu Kirisa wo niime wu funɲɔ ni lee da ba foro.

Jurumu Fɔɔ

2¹Ayiwa na cebooloo, wù Kafɔɔ Yesu Kirisa wo ba we, ni wèe piimu na ba she binne wu taan ge, wèe wa yi ɲeeri lee wuu na jo: ²yi ganha bu yi xakilee pu yaha pu wuregi tɔvuyo na we, yi ganha bu yi jaalaa pu be yirige na Kafɔɔ paduun w'a nɔ xɔ we. Wa na zɔɔ na jo na Kile w'a yee jo wee mu w'a yu sipyii pu mu, kelee wa Kile jomɔ yere pyewo na yi jo, kelee pii na yi jo na wèe p'a yi ka seme ni na kan n'a daa fee pu mu. ³Yi ganha bu sipya wa shishiin yaha wu yi faanna faannagana la shishiin na we. Bani yani Kafɔɔ cabaɲa ki nɔ ge, sipyii na ba fenhe zhii Kile na fo xuuni. Lee bu bye, wee tuun wu ni Jurumu Fɔɔ* wu na foro yere. Kile na

*2:3 **Jurumu Fɔɔ:** Wee ninumɔ pii ya byi na Jaxhali, wee wu da ba ba.

ba wee kyeeɣi fɛɛfɛɛ. ⁴ Sipyii ya pɛɛɛɛ teri yaaga kemu bɛɛri na ge, ni Kile mɛɛɛ ya yiri yaaga kemu bɛɛri na ge, wee Jurumu Fɔɔ wu na ba zhe yee bɛɛri ni. Wu na ba yiri na wuyɛ pɛɛ na toro yee bɛɛri taaɛn, fo w'a ba she jɛ be Kile-pɛɛɛɛ pugbɔhɔ ki be ni, na diin wà, na jo na wee wu ɲɛ Kile we.

⁵ Tuun wemu ni nɛ bi bye ni yee ni ge, nɛ bi ma ye yu yee mu. Yee xakilee wa yi na-ɛ gɛ? ⁶ Ga lemu l'a kii keree kii jaha kɔn ki da bye nime-ɛ ge, yee wa lee ɛɛ. Lee wuu na we Jurumu Fɔɔ we da já ba wɛ, fo wu paduun ba nɔ. ⁷ Lee be na, Jurumu Fɔɔ wu keree k'a ɲɔ kɔn na byi ɲmɔhɔɔ ni na xɔ. Ga lemu l'a wu yereɛ ge, ni lee ya bu she laha wà wɛ, wu da já kii keree kii pye wɛ. ⁸ Ga lee ba laha wà tuun wemu ni, Jurumu Fɔɔ wu na na foro yere. W'i bu foro be, Kafɔɔ Yesu na ba wu sòrogo ni wu ɲɔ kafɛɛgɛ* ni. Wu nibawo, wu nɔɔɔ wu kpɛɛngɛ na ba Jurumu Fɔɔ wu kyeeɣi fɛɛfɛɛ. ⁹ Wee Jurumu Fɔɔ wu na ba ni Shitaanni wo fanha ki ni. Wu na ba kakanhaɲaa ni kagbɔhɔɔ tuuyo bɛɛri pyi. Ga can di wa lee la shishiin ni wɛ. ¹⁰ Wu na ba kakuuɲɔɔ tuuyo bɛɛri pyi, kɔnhɔ sipyii piimu na ba gyeeɣi ge, wu pee piinɲɛ. Pee sipyii pu na ba gyeeɣi, bani can wemu wu bi yaa wu pu shɔ ge, pu ya sɔɔ wee na wɛ, wu kaa be di ya nɔhɔ taan pu mu wɛ. ¹¹ Lee wuu na Kile ya te sipyii faanna faanna sefɛɛɛ te yaha pa, tee di ba pu piinɲɛ, kɔnhɔ p'i dà kafineye yi na. ¹² Lee na sipyaa sipya wu ɲɛ wu ya sɔɔ na dà can wu na wɛ, na tiibaara pye wu taa ge, Kile wo kiiri we na ba nɔ pee bɛɛri na.

Kile ya n'a daa fɛɛ pu jaha bulo na pu shɔ

¹³ Na cebooloo, wèe kunni, wèe ya yaa wèe p'a fò kaan Kile mu tuun bɛɛri ni yee wuu na, yee piimu p'a taan Kafɔɔ mu ge. Bani Kile ya yee jaha bulo kɔnhɔ yee di bye shenshiilee na ɲuwuuro ta Fɛfɛɛɛ Muna li gbɔɔɔ ni. Lee Fɛfɛɛɛ Muna le l'a yee pye fɛfɛɛɛ sipyii, yee ya dà dagana lemu na can wu na ge, na fara lee be na. ¹⁴ Lee na Kile ya yee yiri. Wèe ya Kile Jozaama pemu wo yere pye yee mu ge, lee baraga ni w'a yee yiri. W'a yee yiri kɔnhɔ yee di yi wo taa ta wù Kafɔɔ Yesu Kirisa wo nɔɔɔ wu ni. ¹⁵ Lee wuu na wù cebooloo, yi ganha bu da yi fungɔnyɔ yaha yi ɲɛri-de. Wèe ya kalaa wemu bɛɛri kan yi mu ge, w'a pye ɲɔjomɔ wo la, wu shiin ya pye semɛ wo la, yi ganha bu wee kalaa wu yaha wu foro yi funyɔ ni wɛ.

¹⁶ Wù To Kile wemu ni wèe kaa ya taan ge, wee w'a lowaa kan wèe mu lemu li ɲɛ li da ga xhɔ wɛ, na fara tadaɲa nizaanɲa be na wu wo niime wu gbɔɔɔ ni. Kafɔɔ Yesu Kirisa ye pyaa, ni wù To Kile ni, ¹⁷ pee pu luu le yi ni, p'i baraga be le yi ni, kɔnhɔ kapyegɛɛ nizaanɲa di da yi ni, ni jogazaana.

* 2:8 Ezayi 11:4

Pɔli ya jo na n'a daa fɛɛ pu p'a Kile ɲɛri pee mu

3¹ Ayiwa wù cebooloo, yemu n'a da jo jomɔ p'i xhɔ ge, yee yi wa mɛ. Y'a Kile ɲɛri wù bɛ mu, kɔnhɔ Kafɔɔ wu jomɔ pu da jaaga p'a se ɲaha na tɔvuyo na; sipyii bɛ di da baraga teri pu na ba yee wa baraga taha pu na tahagana lemu na wɛ. ² Yi da Kile ɲɛri wù mu sanha kɔnhɔ Kile di wù tánha sipyikuuyo yi wo kapyeguunɔɔ ki na. Bani kɔhɔ sipyii bɛeri ya gbara pu dà Kafɔɔ na wɛ. ³ Ga Kafɔɔ ɲɛ ɲɔmɛɛ fɔɔ. Wu na ba baraga le yi ni, na yi tánha Shitaanni na. ⁴ Wèe ya dà li na Kafɔɔ baraga ni jo yemu wèe ya yu yee mu ge, yee wa yee koo ɲaari. Lee koo le shiin yi wa da da ɲaari bɛ. ⁵ Kafɔɔ w'a koo shɛɛ yi na, kɔnhɔ yi zɔɔɔ pu da ɲini Kile wo taanɲɛɛge ki na. Loxulo le li bye Kirisa ni ge, lee di bye yi ni!

Yi bɛeri ya yaa na kapyɛɲɛɛ pyi

⁶ Ayiwa wù cebooloo, w'à da pe jomɔ pe jo waha yi mu Kafɔɔ Yesu Kirisa mɛge na. Kalaa we wèe ya kan yi mu ge, n'a daa fɛɛ piimu pu ɲɛ pu ya ɲaari na sahaɲi ni wee ni wɛ, fo na kapyɛɲɛɛ she na diin na ɲaari na yeree ge, yi laraga kɔn pee na. ⁷ Yee ya yaa na ɲaari ɲaarigana lemu na, y'i saha ni wèe wo ɲaarigana li ni ge, yeeye pyaa wa lee cɛ. Bani tuun wemu ni wèe di bye yee yíri ge, wèe bi ta wùye yaha lapyebaalaa, na diin na ɲaari na yeree wɛ. ⁸ Wèe bi ta na li sipya wa shishiin mu ma ni wɛ. Ga wèe bi kanhama soro, na kapyɛɲɛɛ pyi caɲa ni piige, kɔnhɔ wù ganha bu da bye tuguro wa shishiin ɲunɔ ni yi ni wɛ. ⁹ Li wa nago kanna li ya saha wèe p'a li yee ɲunɔ ni-i dɛ! Ga wèe ya lee pye na she yee na, kɔnhɔ yi bɛ di da se lee koo li ni. ¹⁰ Tuun wemu ni wèe di bye yee yíri ge, wèe bi ma yi yu na wari yee mu jo: «Sipya wemu bu kapyɛɲɛɛ she, weefɔɔ ya yaa w'a li bɛ wɛ.»

¹¹ Lee bɛeri funɲɔ ni wèe ya logo na sipyii pii pu wa wà yee ni, pee ya kapyɛɲɛɛ she, na diin na ɲaari na yeree, na puyɛ leni sipyii piitiilee wo keree ni. ¹² Ayiwa, w'à li shaa pee sipyii pu mu xuuni wù Kafɔɔ Yesu Kirisa mɛge na, jo pu la le puyɛ ni, p'i ɲaha tii ni pu kapyɛɲɛɛ ni, puyɛ pyaa di yere ni pu ɲɔshaga ni.

¹³ Na cebooloo, le bɛeri funɲɔ ni. yee kunni ganha bu ganha kasaɲaa bye tãan wɛ. ¹⁴ Wèe ya jomɔ pemu jo yi mu we sɛmɛ we ni ge, sipyaa sipya w'a pee jomɔ pu she ge, y'a wufɔɔ kaseri; y'i laha wufɔɔ na kɔnhɔ wuyɛ pyaa k'i zhiige. ¹⁵ Lee bɛ na, yi ganha bu wufɔɔ pye yi pen wɛ dɛ, ga yi wufɔɔ yeri ceboro yerɛmɛ ni.

Duba ni kurogo fò

¹⁶ Wù Kafɔɔ, ɲaɲiɲe fɔɔ wuye pyaa k'a ɲaɲiɲe kaan yi mu tuun beeri ni, kangana beeri na! Kafɔɔ wu pye ni yi beeri ni! ¹⁷ Ne Pɔli ye pyaa k'a le fò mujuu le ka na keye yi na. Ne wo fe pu wa pere na wo semɛe pu beeri na. Ne wo kama pe pu wa pe.

¹⁸ Wù Kafɔɔ Yesu Kirisa wu niime kan yi beeri mu.